



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-11-431-3/26
Sarajevo, 09.03.2026. godine

Na osnovu člana 64. stav (1) tačka b), člana 70. stav (1) i (3) Zakona o javnim nabavkama BiH (u daljem tekstu: „Zakon“) („Službeni glasnik BiH“, br. 39/14, 59/22 i 50/24), i člana 41. Statuta Grada Sarajeva („Službene novine Kantona Sarajevo“, br. 07/23), a na preporuku Komisije za javne nabavke imenovane Rješenjem broj: 01/14-04-211/26 od 16.01.2026. godine (u daljem tekstu: „Komisija“), gradonačelnik Grada Sarajeva **donosi**

ODLUKU

o izboru najpovoljnijeg ponuđača putem konkurentskog zahtjeva za dostavljanje ponuda
uz primjenu e-aukcije

I

Prihvata se ponuda ponuđača **„DRVOPROX“ d.o.o. Sarajevo**, sa sjedištem u ulici Esada Midžića 15, 71000 Sarajevo, u postupku javne nabavke usluga **„Sadnja cvijeća u žardinjere, postavljanje žardinjera s cvijećem na osam (8) mostova i balkon Vijećnice, održavanje i zalijevanje“**, putem konkurentskog zahtjeva za dostavljanje ponuda, sa konačnom cijenom u iznosu od **49.880,00 KM bez PDV-a, odnosno 58.359,60 sa uračunatim PDV-om.**

II

Sa ponuđačem **„DRVOPROX“ d.o.o. Sarajevo** zaključit će se Ugovor o pružanju usluga iz tačke I ove Odluke.

III

Sastavni dio ove Odluke čine Zapisnik o pregledu i ocjeni ponuda od 27.02.2026. godine.

IV

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke konkurentskog zahtjeva za dostavljanje ponuda, broj 01/14-11-431-2/26 od 02.02.2026. godine, započet je postupak javne nabavke usluga: „Sadnja cvijeća u žardinjere, postavljanje žardinjera s cvijećem na osam (8) mostova i balkon Vijećnice, održavanje i zalijevanje“. Obavještenje o nabavci broj: 1278-7-2-6-3-15/26 objavljeno je dana 06.02.2026. godine na portalu Agencije za javne nabavke, dok je sažetak obavještenja objavljen u „Službenom glasniku BiH“, broj: 13/26 od 20.02.2026. godine.

U predviđenom roku za dostavljanje ponuda na protokol Ugovornog organa zaprimljene su dvije (2) ponude, i to ponuđača:

1. GREEN SERVIS d.o.o. Sarajevo, sa sjedištem u ulici Nova željeznička stanica 35/I, 71320 Vogošća i
2. „DRVOPROX“ d.o.o. Sarajevo, sa sjedištem u ulici Esada Midžića 15, 71000 Sarajevo.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Postupajući u skladu sa članom 63. Zakona, Komisija je u zakazano vrijeme pristupila javnom otvaranju ponuda, prilikom čega su ustanovljene cijene pristiglih ponuda i to kako slijedi:

RB	Broj protokola	Ponuđač	Datum i sat prijema	Ukupna cijena Ponude bez PDV-a	Ponuđeni popust	Ukupna cijena ponude sa popustom bez PDV-a
1.	14-11-1707.26	GREEN SERVIS d.o.o. Sarajevo	18.02.2026. u 10:50h	49.899,00 KM	-	49.899,00 KM
2.	14-11-6328.25	„DRVOPROX“ d.o.o. Sarajevo	18.02.2026. u 11:15h	49.880,00 KM	-	49.880,00 KM

Prilikom ocjene i evaluacije ponuda odnosno provjere da li dostavljene ponude ispunjavaju uslove za kvalifikaciju propisane tenderskom dokumentacijom, Komisija je ponudu ponuđača GREEN SERVIS d.o.o. Sarajevo ocijenila neprihvatljivom.

Naime, ponuđač je dostavio popunjenu i ovjerenu Izjavu iz člana 52. Zakona o javnim nabavkama, potpisanu od strane opunomoćenog lica. Uvidom u ponudu utvrđeno je da je na strani broj 47 dostavljena punomoć direktora broj: 113-026-11/25 od 02.12.2025. godine, kojom direktor ovlašćuje zaposlenika da u njegovo ime i za njegov račun može poduzimati određene radnje, i to: preuzimati i podizati dokumente u organima uprave na svim nivoima vlasti, učestvovati u postupcima javnih nabavki, vršiti uplate u bankama, ovjeravati dokumente u nadležnim institucijama, te potpisivati izjave.

Analizom pismene Izjave iz člana 52. Zakona o javnim nabavkama utvrđeno je da je opunomoćeno lice u dijelu izjave u kojem se navode podaci predstavnika privrednog društva/obrtu/srodne djelatnosti unijelo vlastite podatke, te istu potpisalo i ovjerilo, što je Komisija ocijenila kao nepravilno postupanje. Komisija za javne nabavke se pri ocjeni navedenog vodila načelnim stavom Agencije za javne nabavke iz 2020. godine, prema kojem je potrebno napraviti razliku između vrste punomoći koja se daje zaposleniku.

Naime, u slučaju kada odgovorno lice ovlasti zaposlenika da u njegovo ime da izjavu iz člana 52. Zakona, u izjavi se navode podaci direktora kao odgovornog lica, dok zaposlenik izjavu potpisuje u njegovo ime. Ukoliko je zaposlenik ovlašten samo da popunjava dokumente u ime kandidata/ponuđača, tada unosi vlastite podatke i potpisuje izjavu.

Detaljnou analizom dostavljene Izjave iz člana 52. Zakona o javnim nabavkama, cijeneći navedeni stav Agencije za javne nabavke, Komisija je utvrdila da ponuda ponuđača Green servis d.o.o. Sarajevo nije prihvatljiva za Ugovorni organ zbog neispunjavanja kriterija za kvalifikaciju te kao takva nije razmatrana u daljnjem toku postupka.

Kao kriterij za dodjelu ugovora, u skladu sa članom 64. stav (1) tačka b) Zakona, ugovorni organ je odredio najnižu cijenu i tenderskom dokumentacijom predvidio provođenje e-aukcije. Međutim, kako je Komisija jednu od dostavljenih ponuda ocijenila neprihvatljivom, te je u postupku javne nabavke ostao samo jedan ponuđač, e-aukcija nije bila provodiva.

Dana 06.03.2026. godine Komisija je gradonačelniku Grada Sarajeva dostavila Zapisnik o pregledu i ocjeni ponuda sa preporukom za prihvatanje ponude ponuđača Drvoprox d.o.o. Sarajevo u postupku javne nabavke usluga „Sadnja cvijeća u žardinjere, postavljanje žardinjera s cvijećem na osam (8) mostova i balkon Vijećnice, održavanje i zalijevanje“, sa ponuđenom cijenom u iznosu od 49.880,00 KM bez uračunatog PDV-a, odnosno 58.359,60 KM sa uračunatim PDV-om.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu ostalu dokumentaciju propisanu tenderskom dokumentacijom.

Na osnovu preporuke Komisije za javne nabavke roba, usluga i radova u Gradu Sarajevu, a u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dispozitivu ove Odluke.

Pouka o pravnom lijeku: Ponuđači koji su učestvovali u postupku javne nabavke mogu radi zaštite svojih prava i pravnih interesa, u roku od 5 (pet) dana od prijema Odluke o izboru najpovoljnijeg ponuđača, izjaviti žalbu Uredu za razmatranje žalbi putem ugovornog organa, u dovoljnom broju primjeraka.

GRADONAČELNIK

s.r. Samir Avdić